



Broj: 0101-7164-7/20  
Sarajevo, 03. 08. 2020. godine

Na osnovu člana 69. stav (1) tačka a) i 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe: SWITCH UREĐAJ, na preporuku Komisije za provođenje postupka javne nabavke broj: 0101-7164-6/20 od 30. 07. 2020. godine, rektor Univerziteta u Sarajevu je donio

### **ODLUKU o izboru ponuđača i dodjeli ugovora**

#### **Član 1.**

Prihvata se preporuka Komisije za provođenje postupka javne nabavke broj: 0101-7164-6/20 od 30. 07. 2020. godine i ugovor o javnoj nabavci robe: SWITCH UREĐAJ, dodjeljuje ponuđaču "MOJIT" d. o. o. Sarajevo, Dobroševićka 7A, 71000 Sarajevo, čija ukupna cijena ponude iznosi: 30.000,00 KM bez PDV-a (slovima: tridesethiljada KM i 00/100), što sa uračunatim PDV-om iznosi: 35.100,00 KM sa PDV-om (slovima: tridesetpethiljadajednastotina KM i 00/100), iz razloga što je u otvorenom postupku, dostavio prihvatljivu ponudu, u skladu sa članom 69. stav (1) tačka a) Zakona o javnim nabavkama BiH.

#### **Član 2.**

U Tački 11. Zapisnika o pregledu i ocjeni ponuda broj: 0101-7164-6/20 od 30. 07. 2020. godine, koji se nalazi u prilogu ove Odluke, Komisija za javnu nabavku je konstatovala da je ponuđač "MOJIT" d. o. o. Sarajevo, Dobroševićka 7A, 71000 Sarajevo u ponudi dostavio ovjerene kopije dokaza o kvalificiranosti traženih Tačkom 13.1. podtačke a.1), a.2), b), c) i d) Tenderske dokumentacije, te ovjerenu kopiju dokaza traženog Tačkom 13.3. Tenderske dokumentacije, pa u skladu sa odredbama Tenderske dokumentacije izabrani ponuđač nema obavezu naknadnog dostavljanja originala ili ovjerenih kopija navedenih dokaza.

#### **Član 3.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

#### **Član 4.**

Ova Odluka stupa na snagu danom donošenja.

### **Obrazloženje**

Na osnovu Odluke o pokretanju postupka javne nabavke broj: 0101-7164-1/20 od 10. 07. 2020. godine, Univerzitet u Sarajevu je pokrenuo otvoreni postupak za javnu nabavku robe: SWITCH UREĐAJ.

Za provođenje postupka predmetne javne nabavke, Odlukom broj: 0101-7164-2/20 od 10. 07. 2020. godine, imenovana je Komisija za provođenje predmetnog postupka javne nabavke.

Obavještenje o nabavci broj: 999-1-1-77-3-58/20 objavljeno je na Portalu javnih nabavki dana 13. 07. 2020. godine i u „Službenom glasniku BiH“ broj: 42 od 17. 07. 2020. godine.

Dana 13. 07. 2020. godine, na Portalu javnih nabavki je objavljena i Tenderska dokumentacija broj: 0101-7164-3/20.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 29. 07. 2020. godine u 10:14 sati, vidljivo je da su, u periodu koji je ostavljen za dostavljanje ponuda, sa Portala javnih nabavki, Tendersku dokumentaciju preuzeli slijedeći potencijalni ponuđači: MIBO KOMUNIKACIJE d.o.o. Tvornička 3, 71210 Ilidža; NAVITAS ENGINEERING & AUTOMATION d.o.o. Bulevar Meše Selimovića br. 81B/II, 71000 Sarajevo; PROINTER ITSS d.o.o. Vuka Karadžića 2, 78000 Banja Luka; IMTEC d.o.o. Sarajevo Bosanski put bb, 71380 Ilijaš; NETWORK I d.o.o. Potporučnika Smajića 26, 76300 Bijeljina; EKAPIJA d.o.o. Bulevar Mihajla Pupina 10a, Novi Beograd, Srbija, 76300 Bijeljina; BH ES ELEKTROSISTEM d.o.o. ul. Palih Boraca 104, 78000 Banja Luka; BBS Europe, Hilendarska 13/10, 71123 Istočno Sarajevo; NV-INVEST d.o.o. Moševačka 50, 71380 Ilijaš; TELENET d.o.o. Sarajevo Gradačačka 114, 71000 Sarajevo; ASPO RAIL d.o.o. Alipašina 53, 71000 Sarajevo; SIECOM d.o.o. Hamdije Čemerlića 2, 71000 Sarajevo; NET d.o.o. INFORMATIČKI INŽENJERING Vukovarska 24, 88000 Mostar; CSC d.o.o. Tuzlanska bb, 71000 Sarajevo; PRINTEX d.o.o. Hasana Sušića 9 i 11, 71000 Sarajevo; "MOJIT" d.o.o. Sarajevo Dobroševića 7A, 71000 Sarajevo; INELEX d.o.o. Sarajevo Rudija Alvađa 13, 71000 Sarajevo; PING d.o.o. Jukćeva 36, 71000 Sarajevo; ROBERT'S PLUS d.o.o. Marka Marulića 2/V, 71000 Sarajevo; INSTRUMENTS d.o.o. Trg Heroja 8, 71000 Sarajevo; TIME CODE d.o.o. Sarajevo Tvornička br.3, 71210 Ilidža; ZOTEX d.o.o. Široki brijeg Vignjeva 9, 88220 Široki Brijeg; QSS d.o.o. Dejzina Bikića bb, 71000 Sarajevo; ASBIS d.o.o. Džemala Bijedića 162, 71000 Sarajevo; S CONSALTING d.o.o. Mostar Čelebića 17, 88000 Mostar; LANACO d.o.o. Veljka Mladenovića bb, 78000 Banja Luka; EMERGING MARKETS CONSULTANTS d.o.o. Kralja Tvrtka 25, 71000 Sarajevo; DIGITARIJA d.o.o. Zmaja od Bosne 14c, 71000 Sarajevo.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 29. 07. 2020. godine u 10:15 sati, vidljivo je da u periodu koji je ostavljen za dostavljanje pitanja i odgovora (do datuma: 24. 07. 2020. godine), od strane potencijalnih ponuđača **nije bilo postavljanih pitanja** za pojašnjenje Tenderske dokumentacije broj: 0101-7164-3/20 od 13. 07. 2020. godine.

Na Tendersku dokumentaciju broj: 0101-7164-3/20 od 13. 07. 2020. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 29. 07. 2020. godine u 10:30 sati, Komisija za javnu nabavku, po redosljedu prijema, izvršila javno otvaranje blagovremeno prispjelih ponuda slijedećih ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	"MOJIT" d. o. o. Sarajevo Dobroševića 7A, 71000 Sarajevo	0101-7830/20	27. 07. 2020. godine u 09:30 sati

Na javnom otvaranju ponuda nije bilo prisutnih predstavnika ponuđača. Od strane prisutnih na javnom otvaranju ponuda, nije bilo primjedbi na postupak otvaranja i ostale priopćene informacije. Zapisnik sa javnog otvaranja ponuda je isti dan (29. 07. 2020. godine), putem pošte i putem e-maila upućen ponuđaču koji je blagovremeno dostavio ponudu.

U Zapisniku o otvaranju ponuda je konstatovano da nije bilo neblagovremenih ponuda. Komisija za javnu nabavku je u Zapisniku o otvaranju ponuda sačinila sažetak ponuda primljenih u roku po redoslijedu prijema:

Redni broj	Naziv i sjedište ponuđača	Ponuđeni popust	Ukupna cijena ponude
1.	"MOJIT" d.o.o. Sarajevo Dobroševića 7A, 71000 Sarajevo	0,00 KM	30.000,00 KM bez PDV-a 5.100,00 KM = PDV 35.100,00 KM sa PDV-om

Iz Zapisnika o pregledu i ocjeni ponuda je vidljivo da je Komisija započela sa pregledom ponuda dana 29. 07. 2020. godine u 11:00 sati, radi ocjene ponude, odnosno da bi utvrdila da li je ponuđač ispunio uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovani za nabavku predmetne robe.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude ponuđača "MOJIT" d. o. o. Sarajevo, Dobroševića 7A, 71000 Sarajevo, Komisija za javnu nabavku je utvrdila da je ponuđač u Obrascu za ponudu-PRIOLOG I naveo da se na njegovu ponudu ne mogu primjeniti odredbe o preferencijalnom tretmanu domaćeg, te je na osnovu navedenog, Komisija za javnu nabavku je ocijenila da se na ponudu ponuđača: "MOJIT" d. o. o. Sarajevo, Dobroševića 7A, 71000 Sarajevo, **NE PRIMJENJUJE** preferencijalni tretman domaćeg.

Nakon pregleda ponude ponuđača "MOJIT" d. o. o. Sarajevo, Dobroševića 7A, 71000 Sarajevo, Komisija za provođenje postupka javne nabavke je utvrdila da ponuđač ispunjava sve uslove za kvalifikaciju tražene Tenderskom dokumentacijom (detaljno konstatovano u Tački 10. Zapisnika o pregledu i ocjeni ponuda), pa je Komisija ponudu ponuđača "MOJIT" d. o. o. Sarajevo, Dobroševića 7A, 71000 Sarajevo ocijenila kao **PRIHVATLJIVU**.

Iz Zapisnika o pregledu i ocjeni ponuda je vidljivo da je Komisija za provođenje postupka nabavke, nakon provjere računске ispravnosti dostavljene ponude utvrdila da u ponudi ponuđača "MOJIT" d. o. o. Sarajevo, Dobroševića 7A, 71000 Sarajevo nije bilo računskih grešaka, te je ocijenila da je ponuda ponuđača: "MOJIT" d. o. o. Sarajevo, Dobroševića 7A, 71000 Sarajevo, **RACUNSKI ISPRAVNA**.

U Zapisniku Komisije je navedeno da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Iz Zapisnika o pregledu i ocjeni ponuda je vidljivo da je Komisija za javnu nabavku izvršila rangiranje prihvatljive ponude ponuđača na slijedeći način:

Redni br. na rang listi	Naziv i sjedište ponuđača SWITCH UREĐAJ	Ponuđeni popust	Ukupna cijena ponude
1.	"MOJIT" d. o. o. Sarajevo Dobroševića 7A, 71000 Sarajevo	0,00 KM (0,00 %)	30.000,00 KM bez PDV-a 5.100,00 KM = PDV 35.100,00 KM sa PDV-om

Iz Zapisnika Komisije za javne nabavke je vidljivo, da je za predmetnu nabavku, kao što je navedeno u Tenderskoj dokumentaciji broj: 0101-7164-3/20 od 13. 07. 2020. godine i Obavještenju o nabavci broj: 999-1-1-77-3-58/20 od 13. 07. 2020. godine, predviđeno provođenje e-aukcije kroz sistem e-nabavke.

Članom 3. stav (3) Pravilnika o uslovima i načinu korištenja e-aukcije ("Službeni glasnik BiH" broj: 66/16), regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je u predmetnom postupku javne nabavke robe: SWITCH UREĐAJ, zaprimljena jedna prihvatljiva ponuda ponuđača "MOJIT" d. o. o. Sarajevo, Dobroševićka 7A, 71000 Sarajevo, Komisija za javnu nabavku je konstatovala da se u skladu sa članom 3. stav (3) Pravilnika o uslovima i načinu korištenja e-aukcije, e-aukcija ne može zakazati.

U Tački 11. Zapisnika o pregledu i ocjeni ponuda broj: 0101-7164-6/20 od 30. 07. 2020. godine, koji se nalazi u prilogu ove Odluke, Komisija za javnu nabavku je konstatovala da je ponuđač "MOJIT" d. o. o. Sarajevo, Dobroševićka 7A, 71000 Sarajevo u ponudi dostavio ovjerene kopije dokaza o kvalificiranosti traženih Tačkom 13.1. podtačke a.1), a.2), b), c) i d) Tenderske dokumentacije, te ovjerenu kopiju dokaza traženog Tačkom 13.3. Tenderske dokumentacije, pa u skladu sa odredbama Tenderske dokumentacije izabrani ponuđač nema obavezu naknadnog dostavljanja originala ili ovjerenih kopija navedenih dokaza.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku robe: SWITCH UREĐAJ za potrebe Univerziteta u Sarajevu, donese odluku o izboru i dodijeli ugovor ponuđaču "MOJIT" d. o. o. Sarajevo, Dobroševićka 7A, 71000 Sarajevo, čija ukupna cijena ponude iznosi:

30.000,00 KM bez PDV-a (slovima: tridesethiljada KM i 00/100), što sa uračunatim PDV-om iznosi: 35.100,00 KM sa PDV-om (slovima: tridesetpetiljadajednastotina KM i 00/100), iz razloga što je u otvorenom postupku javne nabavke dostavio prihvatljivu tehnički zadovoljavajuću ponudu.

Iz gore navedenih razloga, primjenom člana 69. stav (1) tačka a) Zakona o javnim nabavkama BiH, prihvaćena je preporuka Komisija za provođenje postupka javne nabavke i odlučeno je kao u dispozitivu ove Odluke.

#### **POUKA O PRAVNOM LJJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

#### **Dostaviti:**

1. "MOJIT" d. o. o. Sarajevo, Dobroševićka 7A, 71000 Sarajevo
2. Služba za javne nabavke
3. Služba za računovodstvo i finansije
4. web stranica Univerziteta u Sarajevu
5. a/a

#### **Prilog:**

-Zapisnik o pregledu i ocjeni ponuda

---

Univerzitet u Sarajevu – *Obala Kulina bana 7/II, 71000 Sarajevo – Bosna i Hercegovina*

*Telefon: ++387(33)226-378; ++387(33)668-250 - fax: ++387(33)226-379*

<http://www.unsa.ba>